

十家富詞

下

宋文安公宮詞

并序

宮中詞樂府有之皆所以誇帝室之輝華敘王
遊之壯觀挾彤庭金屋之思道龍舟鳳輦之嬉
然而萬乘天高九重淵邃禁衛嚴肅乘輿至尊
亦非臣子所能知所宜言也至于觀往迹以緣
情採新聲而結意鼓舞升平之化揄揚嘉瑞之
徵于以示箴規于以續騷雅麗以有則樂而不
淫則與夫瑤池粉黛之詞玉臺閨房之怨不猶
愈乎是可以鏘絲簧炳絃素使陳王三閣狎客
包羞漢后六宮美人傳誦者矢援筆一唱因成

百篇言今則思繼頌聲述古則庶幾風諷也大
雅君子其將莞然詞曰

千官朝謁五門前一路春風蠟燭烟宮漏乍停
班已定紫雲開處望堯天

萬國車書一太平宮花無數管絃聲近臣入奏
新祥瑞昨夜黃河徹底清

律管飛灰報早春壽陽梅淡落香裊詞人競進
新詩入俊思無過白舍人

十二樓前御柳垂九重城裏百花時宣州恰進
紅絲毯便遣宮娥舞柘枝

彤廷立仗雪初銷
仙樂空懸讌百寮
齊指終南稱萬壽
遠平香案碧岩堯

樓前宣赦掣金雞
大禮新成彩仗歸
萬歲聲高天地喜
慶雲飛上袞龍衣

中使傳宣出未央
外宮庭燎發榮光
怪來連夜催儀注
元是平明冊五王

掖庭宮女僅千有
勅都教放出門
戀主頓忘幽憤意
促辭中使盡啼痕

翰苑新除李謫仙
鰲宮春雨濕花顛
宣來立草和親詔
一筆書成對御前

龍腦天香撒地衣錦書新冊太真妃宮官一夜
鋪黃道却踏金蓮步步歸
飛烟縹緲拂樓臺纔捲珠簾雉扇開春滿天顏
兩眉喜玉關新有捷書來

小殿東西夾翠樓春乘步輦過瀛洲赭袍如日
花如錦一半宮人盡裹頭

繡鞍新轡飾玫瑰隨駕堤邊試馬回苑蕙香輕
沙路濕玉蹄沾得落花來

帝誥皇墳味有餘萬幾無暇旋生疎終須別置
三千女分記金華殿裏書

後苑秋晴校獵歸，淡粧宮女盡戎衣。
數中供奉誰精熟，斜勒驕驄掠草飛。
春雪輕輕灑露盤，真珠箔外玉構欄。
仙妃未起宮娃小，錯報西樓曉月寒。
玉殿金扉夜不扃，露華如水洗圓靈。
昭陽女伴新承寵，心祝君王拜壽星。

宮門閒掩獸環斜，微雨新晴滿地花。
番次未當車駕出，却尋同伴學宣麻。
離宮春晚雨霏霏，日晚君王帶雨歸。
翠輦急行紅袂濕，中途方憶瓦油衣。

天王風清北內聞東朝相慶冊儲君春坊曉奏
元良瑞雞戟門西現彩雲
雙雙金剎出宮牆內寺幡花散道場妃子不乘
春雨細玉真公主代行香
歡笑聲高出禁園祿兒新樣繡初翻青娥阿嬾
知非禮心怕君王不敢言
貪領吳娃唱鷓鴣洞簫詞賦頓生疎沉吟不記
當時字却向宮中問婕妤
碁品從來重一先後庭無事綠窻閑昭容不賭
尋常物言得千金紫玉環

砌臺春暖映垂楊皇子皇孫戲艷陽半駸半驕
花裏鬧真珠線斷紫羅囊

水晶宮閉月光鋪羯鼓聲乾雨點麤一曲未終
餘思在急宣前殿喚花奴

春宵宮女著春綃鈴索無風自動搖晝下珠簾
獨子睡紅蕉窠下對芭蕉

微雲點月漢宮秋水殿疎螢黑處流鳳管不調
慵進曲却排銀燭夜藏鈎

竹宮春祀望神仙百和烟高雜絳烟中夜上元
來玉座五雲隨鳳駕珠輶

小蘇年少最多才半酒扶將入內來重飲玉鍾
方下筆思泉如湧不勞催

昨日傳宣喚打球星九月杖奉宸遊上陽宮女
偏蹻捷爭得樓前第一籌

紅騎翩翩小繡旗苑中秋鴈恰來時何妨十日
方歸內料得千官總不知

蕭蕭宮樹正秋風虎圈門開輦路通金屋阿嬌
心膽小却嗔馮媛獨當熊

御府書蹤字字竒散教宮女倣來時研精筆法
難停穩併恨羲之與獻之

去年因戲賜霓裳權戴金冠奉玉皇久着淡黃
心覺厭春來不敢便紅粧

飄風朝天進樂時宮商依約似龜茲教坊風便
伶官俊全曲偷將並不知

道院秋眠對綺疏翻思十五入宮初花前聽得
君王道禁掖三千總不如

天子今朝就食遲延英徵得逸人歸靈臺監裏
知嘉瑞隔月先曾奏少微

彤管先修女史箴清才絕妙繼詞林玉纖親出
黃金賜愈見中宮逮下心

白蓮亭下柳垂絲正是春波湍馬時宮女隔花
相倚看如龍步驟出漣漪

慢拍紅牙轉眼波念奴樓上一聲歌春喉爽朗
天顏喜不遣簾前樂器和

樂府新呈按舞圖教時仍遣促功夫梨園弟子
知天意月五樓前欲大酺

南宮春榜奏賢良萬乘臨軒試一場賦出御題
深稱旨狀元先拜祕書郎

春雲如鶴惹銀臺銀榜宮門隔水開女史尚書
供甲令玉妃明日祀高禰

御製新成喜雪篇六宮傳寫滿香牋金鑾殿女
曾偷和不敢將呈萬乘前

雪鵲輕籠好六梢五方供進內家調靈和殿上
乘風颺一點秋星印碧霄

宮花灼灼柳綿綿一道春風響靜鞭駕出未知
何處去月華池上教龍船

絲絲新織御鞦韆紫鷺春鞍照地光雙控墜梢
皆侍女玉鞭柔軟拂垂楊
龍焙中春進乳茶金餅湯沃越甌花玉堂宣賜
元承旨明日登庸降白麻

新生帝子浴漪口三日宮中列綺筵嬪御稱觴
呼萬歲笙歌一片夜掀天

日影風烏樹影濃黃門輕騎疾如風一行御扎
緣何事勅借寧王避暑宮

如何帝女降鈞天澤國增封舊粉田仙史多才
顏似玉乘鸞消息在今年

金堂曲讌夜厭厭仙樂聲清御酒黏不用司宮
排蠟燭海人新貢夜明簾

雪梅初謝小桃芳院院鶯啼報海棠昨日司花
新奉勅後園差使結丁香

甘州唱罷曉光新簇簇才人與美人不分昭陽
趙飛燕漢皇誇是掌中身

天上雞人唱曉籌嚴粧鐘動景陽樓千門競洗
燕脂面流作香波入御溝

東宮鸞鳳卦中飛花燭熒煌夜納妃明日龍樓
歌舞罷門前掃聚碎珠璣

珠爲雙珮玉爲簫御女長眉稱納腰詔賜公卿
縱遊賞春來頻放紫宸朝

春風法曲舞霓裳繡罷深宮請賜香司寶傳言
貴妃坐真珠簾映雪衣娘

紅牋一幅卷明霞纖手題詩寄大家檀口微吟
遶廊柱濛濛春雨濕梨花
麝波蘭艷湧溫湯白玉蓮花吐異香春雪怕融
偎侍女尚衣新進蹙金裳

鸚鵡今朝在輦竿輦官防護換肩難逡巡漸入
花深處却索低驄韉玉鞍

裏頭宮女淺粧梳選入昭陽奉玉輿一曲新聲
春稱旨賜緋教賜小金魚

春賜千官讌喜錢任從行樂太平年三十六所
春宮館一一香風送管絃

水心高殿接蘭塘，纔拂龍鬚一簟涼。
瑟瑟枕函雪母帳，冰盤仙果近人香。

春風東嶽罷泥金，羽衛還宮禁禦深。
昨夜祥風來入律，侍臣朝進五絃琴。

萬方琛贄泛雲濤，來慶星樞電彩高。
讌罷樂聲移別殿，對花重換赭紅袍。

年來春早過新豐，只向官池祭玉龍。
一片香雲千里雨，樊川杜曲繡重重。

繡騎前驅盡國娃，芳園初看牡丹花。
千官狼狽如蜂蝶，迴避楊妃七寶車。

春水綾紋積翠池，凌波仙鳥拂花枝。
黃衣宮使宣閣相錯入，中書喚畫師。

魚龍百戲鬧嘈嘈，戲罷珠樓日色高。
移入芳林排小宴，赤瑛盤裏進櫻桃。

外國人來獻寶珠，瑠璃雙眼赤金鬚。
奇形不欲宮中見，詔遣滕王進畫圖。

蠶館春晴蔭綠桑，親蠶天氣日初長。
九嬪叅酌前朝禮，湏戴金釵十二行。

天地儲祥集鳳麟，凌烟高閣寫功臣。
宮中記得鴉兒句，偏問虞南第幾人。